

حسيك الله !

درستك البحر من جزره إيامه
ووديتني له.. ولكن جبتني ضامي
ياكثر حاولت.. لكنه وصل حده
قلبا عن عيوبك اللي فيك متعامي
يالعن بود الخفوق .. ولا رحم حده
لونا مت العين جرح الغدر مانامي
لابدا الأيام تنسيني.. ولا بده
قلبك يبي ينكسر.. وتشوف قدامي
حسيك الله.. لوهي طالت المده
والله يجبر عز قلبي وآلامي
أنا عطيتك عمر.. ولا أنتظر ردة
بس أترك اللي بقى.. من باقي أيامي..!!

علمتك الحب.. علمني على الصده
عطيتك العمر عطني باقي أيامي
اللي بقربك جراد معه على حده
خلاه يعالج فبعدك جرحه الدامي
أطلق سراحه لوجه الله بس هذه
ياللي سرقنا أجمل سنيني مع أحلامي
شكرا على الجرح يامن يجرل المده
خليتني أعرف الواقع من أوهامي
علمتني شلون.. أبني حلم وأهده
وعلمتني كيف ألمم عقبك حطامي
وريتني من معي بالضيق والشده
وكشفت لي زيف كذبة (حبك السامي)

عبد اللطيف ظاهر